



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

LXIV. Confirmat Statuta edita in Capitulo Generali Toletano pro Provincia
S. Thomæ Apostoli in India Orientali Ordinis Fratrum Minorum Sancti
Francisci de Observantia nuncupati.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

X. Religiosi omnes Sacerdotes, qui in Capitulo Provinciali Provinciæ Andalusiæ intervenient quotidie durante dicto Capitulo Missam celebrare teneantur pro Ducibus Patronis vivis, atque defunctis. Insuper ibi una Missa solemniter pro defunctis Patronis cantetur. Defendentibus Religiosis omnibus interessentibus Capitulo ad medium Ecclesiæ, ad canendum responsum prope tumulum funebri apparatu erectum. Ita tamen, ut per hujusmodi celebrationes missarum, lecturarum, & cantatæ ut supra non impediatur satisfactio onerum, & missarum ex Instituto Recollectionis, seu ex anterioribus obligationibus celebrandarum.

XI. Et Patroni pro tempore participes reddantur fructus omnium operum, seu actuum Communitatis, quæ in singulis prædictis Capitulis Provincialibus Andalusiæ fiunt.

XII. In quibus Capitulis Provincialibus Andalusiæ, & in unoquoque eorum participatur, quod quilibet Sacerdos ipsius Provinciæ intra tempus ab uno Capitulo ad aliud intercedens in unoquoque Monasterio ejus Provinciæ Missa cantata, & à singulis Sacerdotibus Missa una lecta pro Patronis vivis, atque defunctis celebrentur.

XIII. Sacerdotes Religiosi inservientes respectivè in Capitulis Generalibus, & Provincialibus Andalusiæ, ac proinde obligati ad celebrationem Missarum, ut supra, si durante dictis Capitulis antedictis obligationibus non satisfecerint teneantur ante celebrationem novi Capituli Generalis, aut Provincialis respectivè satisfacere. Ita tamen ut nullatenus impediatur satisfactio aliorum ex Instituto Recollectionis debitorum, vel ex anterioribus obligationibus, ut supra dictum fuit.

XIV. In præfato Monasterio Sancti Lucar singulis feriis sextis, & Sabbathis in perpetuum per omnes horas diei, ac noctis debeat ab aliquo Fratre alterna vice fieri oratio ad Deum, pro animabus Fundatorum, ipsorumque Majorum, & Consanguineorum.

XV. Postquam facta fuerit electio Commendatorum pro tempore trium Conventuum à dictis Patronis, ut supra Fundatorum debeat significari D. Duci, & Patrono pro tempore, ad effectum ut si voluerit, suum honestum impartiat assensum, juxta dispositionem Sacrorum Canonum.

XVI. Valeat Patronus pro tempore sibi assumere unum Religiosum ex dicta Provincia Andalusiæ in Confessarium, cum facultate ipsum secum, etiam extra Provinciam abducendi: Ita ut ad prædicta Superioris Regularis consensus accedat, qui si commodè, & absque regularis disciplinæ detrimento fieri possit, illum præstabit prædictus Confessarius in locis in quibus Recollectionis Conventus extiterit, in ipso non autem extrà Clausura commoretur.

XVII. Quatenus Patronus Dux pro tempore velit in locis sibi subjectis novum Monasterium Fratrum, aut Monialium Ordinis Recollectionis fundare, ex tunc censeatur habitus, & præstitus consensus quantum ad Recollectionem spectat. Ita tamen ut in reliquis serventur Constitutiones Bonifacii Octavi, Clementis Octavi, atque Urbani Octavi Summorum Pontificum aliaque prout de jure circa Fundationem novorum Conventuum requiruntur.

§. 2. Cum autem sicut eadem Expositio subjungebat præmissa in Divini cultus augmentum, dictaque Congregationis progressum sint cessura Nobis propterea dictus Antonius humiliter supplicari fecit, ut desuper opportunè providere, & ut infra indulgere de benignitate Apostolica dignamur. Nos igitur eundem Antonium speciali-

bus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum hactenus serie absolventes, & absolutum fore censentes.

§. 3. Hujusmodi supplicationibus inclinati de Venerab. Fratrum Nostrorum S. R. E. Cardinalium Concilii Tridentini interpretum consilio prædicta omnia Indulta, & respectivè conventiones modo suprascripto correctas, & reformatas auctoritate Apostolica tenore præsentium concedimus, & respectivè approbamus, salva semper in præmissis auctoritate Congregationis Cardinalium.

§. 4. Decernentes easdem præsentis Literas semper firmas, validas, & efficaces existere, & fore, ac illis ad quos spectat, & pro tempore spectabit plenissimè suffragari. Sicque in præmissis per quoscunque Judices Ordinarios, & delegatos, etiam causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, nec non quatenus opus sit Congregationis, & Provinciæ Andalusiæ hujusmodi earumque Conventuum quorumvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & insertis habentes, illis aliàs in suo robore permansuris ad præmissorum effectum hac vice dumtaxat specialiter, & expressè derogamus, cæterisque contrariis quibuscunque.

Datum Romæ apud S. Mariam Majorem, sub Anno Piscatoris, die 9. Aprilis 1660. Pontificatus Nostri Anno Quinto.

Decretum
irritans.Contrariis
derogat.Dat. P. An.
5. die 9.
Aprilis.

Confirmat Statuta edita in Capitulo Generali Toletano pro Provincia S. Thomæ Apostoli in India Orientali Ordinis Fratrum Minorum Sancti Francisci de Observantia nuncupati.

LXIV.

Vide ad Constit. 272. Urb. VIII. Cum sicut in qua prohibetur Commissariis Generalibus Indiarum ne dispensare possint in Constitutionibus Generalibus Ordinis.

ALEXANDER PAPA VII.

Edita An. D.
1659.*Ad perpetuam rei memoriam.*

Militantis Ecclesiæ regimini per ineffabilem divinæ bonitatis abundantiam, nullo licet meritum Nostrorum Suffragio præpositi, illi, quæ pro felici Christianissimorum sub suavi Religionis jugo Altissimi obsequiis mancipatorum directione providè constituta esse dignoscuntur, libenter cum à Nobis petitur Apostolico munimine roboramus, & aliàs prospero eorumdem Christi fidelium regimini congruis rationibus providè studemus, prout in Domino conspicimus salubriter expedire.

Exordium.

§. 1. Exponi siquidem Nobis nuper fecerunt Dilecti Filii Minister Provincialis, & Definitorum Provinciæ S. Thomæ Apostoli in India Orientali,

Sequuntur
statuta.

Ordinis Fratrum Minorum S. Francisci de Ob-
servantia nuncupatorum, quod in Capitulo Ge-
nerali d. Ordinis Toleti celebrato die 15. Junii
1658. sub Dilecto pariter Filio Michaelae Angelo
de Sambuca ejusdem Ordinis Ministro Generali,
pro prædicta India Orientali edita fuerunt statuta
tenoris sequentis, videlicet.

Finito triennio Commissarii Generalis illius fa-
milie, duæ illæ Provinciæ regantur à suis Mi-
nistris, & Definitoriis independenter à quovis
Commissario, aut Vicecommissario etiam ab ip-
sis nominato.

In defectu Commissarii Generalis, instante
tempore Visitationis, & Capituli, Definitorium
eligat Commissarium Visitorem ex eademmet
Provincia, qui cum eadem potestatis plenitudi-
ne, quæ de jure, vel consuetudine Commissa-
riis Visitatoribus debetur, visitabit Provinciam,
& præsidebit Capitulo, quo finito nullam om-
nino auctoritatem habebit, sed tota residebit
penes Ministrum Provinciæ recens electum us-
que ad adventum novi Commissarii Generalis.

Commissarius Generalis de novo adveniens,
nullam auctoritatem habebit, nulla sui Officii
possessio accipere permittatur, nisi prius alicui
ex Ministris duarum illarum Provinciarum, vel
saltem Guardiano illius Conventus, ubi primum
appulerit patentes Literas suæ institutionis exhi-
berit, nec satis erit earundem Literarum copiam
quantumvis authenticam, sed necesse est
ipsissimum autographum Sigillo Ordinis muni-
tum, & manu propria Reverendiss. Generalis
subscriptum, exhibere, Ministri, & Guardiani
aliter facientes punientur severe arbitrio Reve-
rendiss.

Nemini liceat in aliena Provincia incorporari,
nisi prævio consensu utriusque Ministri, quan-
tumvis consentiat, aut forte præcipiat Commis-
sarius Generalis illarum partium.

Præcipitur Provinciali Ministro Provinciæ Por-
tugallie, ut curet monere Reverendissimum Ge-
neralem de tempore opportuno, quo providere
debeat de Commissario Generali Indiæ Orienta-
lis ut expleto ipsius triennio, vel morte proveni-
ente, quam citius nominetur Commissarius.

Confirmat
prout in rub.

§. 2. Cum autem sicut eadem expositio sub-
jungebat præfati Exponentes, ut bono Provincia-
rum dicti Ordinis in India Orientali hujusmodi
consistentium regimini consulatur, statuta præ-
inserta Apostolicæ confirmationis Nostræ robore
communiri, & opportunè à Nobis, ut infra
provideri summoperè desiderent, Nos specialem
ipsis Exponentibus gratiam facere volentes, &
eorum singulares personas à quibusvis excommu-
nicationis, suspensionis, & interdicti, aliisque
Ecclesiasticis sententiis, censuris, & pœnis à ju-
re, vel ab homine quavis occasione, vel causa
latis, si quibus quomodolibet innodate existunt,
ad effectum præsentium dumtaxat consequendum
harum serie absolventes, & absolutas fore cen-
sentes, supplicationibus eorum nomine Nobis
super hoc humiliter porrectis inclinati: De Ve-
nerabilium Fratrum Nostrorum S. R. E. Cardi-
nalem negotiis, & Consultationibus Episcopo-
rum, & Regularium Præpositorum consilio, præ-
inserta statuta in prædicto Capitulo Generali To-
leti celebrato pro memorata India Orientali si-
cut præmittitur edita, auctoritate Apostolica te-
nere præsentium confirmamus, & approbamus,
illisque inviolabilis Apostolicæ firmitatis robur
adjicimus, ac omnes & singulos juris & facti
defectus, si qui desuper quomodolibet interve-
nerint, supplemus, statuentes, & ordinantes,
quod in dictis Provinciis Indiæ de cætero non
fiat electio Vicecommissarii Generalis, prout fie-
bat virtute statutorum factorum in Capitulo ce-
lebrato Romæ anno 1639. neque jungantur duo
illa Definitoria deficiente Commissario transmi-
so, sed tali casu Provinciæ gubernentur eo mo-

do quo ordinant præinserta statuta Toletana,
quodque Minister Provincialis Provinciæ Porta-
gallie dicti Ordinis teneatur procurare, ut mit-
tatur Commissarius, supplicando Ministro Ge-
nerali ejusdem Ordinis, ut illum nominet, ac
designando illi Religiosos in dicto officio, qui
possint esse ex quinque Provinciis Portugallie,
& ex duabus Indiæ, nempe Portugallie Algar-
biorum, pietatis, Arrabidæ, Sancti Antonii,
Sancti Thomæ, & Marris Dei.

§. 3. Ac demum quod Commissarius trans-
missus ex prædictis quinque Provinciis Portu-
gallie possit remanere (si voluerit) in aliqua ex
dictis duabus Provinciis Indiæ cum omnibus præ-
eminentiis concessis à statuto Religionis. Si lau-
dabiliter officium suum adimpleverit. Attamen si
Commissarius fuerit ex duabus Provinciis Indiæ
finito officio redeat ad suam Provinciam, cujus
est filius, & in illa gaudeat privilegiis concessis
à statutis, quibus non gaudebit, si in illa non
remanerit.

§. 4. Ut rem prædicta suis loco, & tem-
pore debitum sortiantur effectum eorum exqu-
tionem cum omnibus, & singulis facultatibus
necessariis, ac opportunis Venerabili Fratri Ar-
chiepiscopo Goensi, ac Dilectis Filiis adversus
hæreticam pravitatem Inquisitoribus Apostolica
auctoritate deputatis, & aliis quibuscumque per-
sonis in dignitate Ecclesiastica constitutis Civi-
tatis, & Insulæ Goæ, & eorum cuilibet in so-
lidum auctoritatem, & tenore præsentis injun-
gimus, & demandamus, salva semper in præ-
missis auctoritate Congregationis memoratorum
Cardinalium.

§. 5. Decernentes easdem præsentis Litteras
semper firmas, validas, & efficaces existere, &
fore, ac ab illis ad quos spectat, & pro tem-
pore spectabit, respectivè inviolabiliter observa-
ri. Sicut in præmissis per quoscumque Judices
Ordinarios, & Delegatos etiam causarum Palatii
Apostolici Auditores judicari, & definiti debe-
re, ac irritum, & inane, si secus super his à
quoquam quavis auctoritate scienter, vel igno-
rante contigerit attentari.

§. 6. Non obstantibus præmissis, ac sel. re-
cord. Bonifacii Papæ VIII. Prædecessoris Nostris
de una, & Concilii Generalis de duabus die-
tis, dummodò aliquis ultra tres dietas auctori-
tate præsentium in iudicium non trahatur, &
aliis Constitutionibus, & Ordinationibus Apo-
stolicis, nec non quatenus opus sit dicti Ordinis,
& aliis quibusvis etiam juramento, confirmatio-
ne Apostolica, vel quavis firmitate alia roboratis
statutis, & consuetudinibus, privilegiis quo-
que, indultis, & Litteris Apostolicis in contra-
rium præmissorum quomodolibet concessis, con-
firmatis, & innovatis. Quibus omnibus, & sin-
gulis illorum tenores præsentibus pro plenè, &
sufficienter expressis, & insertis habentes, illis
aliis in suo robore permanentibus, ad præmissorum
effectum hac vice dumtaxat specialiter, &
expressè derogamus, caterisque contrariis qui-
buscumque.

§. 7. Volumus autem, ut præsentium trans-
sumptis, manu alicujus Notarii publici subscri-
ptis & sigillo alicujus personæ in dignitate Ec-
clesiastica constitutæ munitis eadem prorsus fides
in iudicio, & extra adhibeatur, quæ præsentibus
ipsis adhereretur si forent exhibitæ, vel
ostensæ.

Datum in Arce Gandulphi Albanensis Dioc.
sub Annulo Piscatoris, die 10. Maji 1659. Pon-
tificatus Nostris Anno quinto.

Contrariis
derogat.

Dat. P. An. 5.
die 10. Maji.